

BESTELAKO XEDAPENAK

KULTURA ETA HIZKUNTZA POLITIKA SAILA

6270

EBAZPENA, 2017ko abenduaren 27koa, HABEko zuzendariarena, helduen euskalduntzearen alorreko metodologiagintzan ikertzaileak gaitzeko bi beka emateko deia egiten duena.

Euskal Autonomia Erkidegoko azaroaren 25eko 29/1983 Legeak –Helduen Alfabetatze eta Berreuskalduntzerako Erakundea sorraraztekoa eta euskaltegiak araupetzekoa– 2.b artikuluan zehazten du HABEren egitekoen barruan helduei euskara irakasteko metodologiagintzaren eremuan ikerlanaren sustapena eta helburuak lortzearren irakasbide eta tresna egokiaren bilaketa. Lege honen 12. artikulua Hizkuntzaren Didaktika-zerbitzura biltzen ditu egitekook, euskaltegi-tako irakasleen prestakuntza eta eguneratzearekin batera.

HABEk ikerketa-eremu berriak zabaldu eta landu nahi ditu helduen euskalduntzearen curriculumgintzan zein ebaluazio-egiaztatze-gintzan, lan-eremuotako adituen prestakuntzarako egitasmok zehatzak emanez. Horretarako, ikertzaileen gaikuntzarako bi bekatarako deialdia egitea erabaki du.

Horregatik guztiagatik, eta HABEren arau organikoak onesten dituen otsailaren 13ko 34/1996 Dekretuaren 6. artikuluan ezarritakoa betetzeko,

EBAZTEN DUT:

Lehenengoa.– Bi bekatarako deialdia egitea, helduen euskalduntzearen didaktika aplikatuaren metodologiagintzaren eremuan ikertzaileen gaikuntzarako, eta deialdi horren oinarriak onartzea ebazpen honen I. eranskinean ageri diren eran.

Bigarrena.– Ebazpen honen euskal eta erdal testuen arteko edozein interpretazio-auziren aurrean, jatorrizkoa euskaraz idatzitakoa dela kontuan izanik, euskal testuari dagokion irakurketari lehentasuna ematea.

Hirugarrena.– Ebazpen honetan aurreikusi gabe geratu diren gaitan, azaroaren 11ko 1/1997ko Legegintza Dekretuak onartzen duen Euskadiko Ogasun Nagusiaren Antolarauei buruzko Legearen testu bateginak, Diru-laguntzei buruzko azaroaren 17ko 38/2003 Lege Orokorrak eta lege horren erregelamendua onartzen duen 887/2006 Errege Dekretuak ezarritakoa aplikatzea.

Laugarrena.– Interesdunei jakinaraztea administrazio-bidea agortzen ez duen ebazpen honen aurka egiteko, gora jotzeko errekurtoa jar dakiokela Kultura eta Hizkuntza Politikako sailburuari, ebazpen hau Euskal Herriko Agintaritzaren Aldizkari Ofizialean argitaratu eta hurrengo egunetik hasita hilabeteko epearen barruan.

Donostia, 2017ko abenduaren 27a.

HABEko zuzendaria,
JOKIN AZKUE ARRASTOA.

I. ERANSKINA

OINARRIAK

I.– DEIALDIAREN XEDEA

Deialdiaren xedea da helduen euskalduntzearen didaktika aplikatuaren metodologiagintzaren alorrean ikertzaileak gaitzeko bi beka ematea.

II.– BALIABIDE EKONOMIKOAK

HABEren aurrekontuetan ezarritako aurrekontu kredituetatik deialdi honetarako gorde diren diru-baliabideak hirurogeita sei mila eta zortziehun (66.800) euro dira guztira, honela banatuta:

- 1.– hogeita sei mila zazpiehun eta hogei (26.720) euro 2018an ordaintzeko kredituan.
- 2.– berrogei mila eta laurogei (40.080) euro 2019ko konpromisozko kredituan.

III.– BEKEN EDUKIA

1.– Beka-hartzaileek helduen euskalduntzearen didaktika aplikatuaren metodologiagintzaren atal jakinetako ikerketan aditu gisa gaitzeko aukera izango dute.

2.– Gaikuntza-bekon helburuak honako hauek dira:

- a) Curriculumgintzan aditu gisa prestakuntza osagarria lortzea.
- b) Ebaluazio zein egiaztatze gintzan aditu gisa prestakuntza osagarria lortzea.

IV.– ONURADUN IZATEKO BALDINTZAK

1.– Deialdi honetan parte hartzeko, eskatzaileek honako baldintza hauek bete beharko dituzte, diru-laguntzei buruzko azaroaren 17ko 38/2003 Lege Orokorraren 13. artikuluan ezarritako baldintzaz gain:

a) Unibertsitateko goi mailako titulazioa edukitzea, batez ere pedagogia, hizkuntzalaritza edo filologia eta soziologia arlotakoa, oinarri hauen VIII.3.a) puntuan ezarritakoaren arabera. Nolanahi ere, atzerrian edo Espainiako zentro ez-estataletan eskuratu diren tituluek baliozkotuta edo aintzatetsita egon behar dute eskabidea aurkezten denean.

b) Gutxienez, Euskararen C1 ALTE ezagutza-maila ziurtatzen duen honako egiaztagiriren baten jabe izatea: C1 maila HABE; EGA; 3. H.E.-IVAP; C1 maila H.E.O

c) Euskal Autonomia Erkidegoko Aurrekontu Orokorretatik eduki berdina edo antzeko edukia duen bekarik jaso gabea izatea.

d) Administrazio-zehapen edo zehapen penalik sexu-bereizkeria egiteagatik ez edukitzea, eta Emakumeen eta Gizonen Berdintasunerako otsailaren 18ko 4/2005 Legea edo beste xedapenen arabera, ez zaiola debekurik ezarri zehapenak irauten duen aldian ebazpen honetan araututako beka eskatzeko.

2.– Bekon esleipena, eta ordainketa hala dagokionean, baldintzatuta dago Euskal Autonomia Erkidegoko Administrazio Orokorrek eta bere autonomiadun erakundeek izaera berarekin emandako diru-laguntzen esparruan hasi eta oraindik tramitatzen ari den edozein prozedura, izan itzulketakoa zein zehapenekoa, amaituta izatera.

V.– BEKEN EZAUGARRIAK

1.– Beka bakoitzaren iraupena hogei hilabetekoa izango da, aitortzen den egunetik zenbatzen hasita.

2.– Beka bakoitzeko hogeita hamahiru mila eta laurehun (33.400) euro emango dira, Gizarte Segurantzako kotizazioak eta aplikagarriak diren zerga-arauek finkatzen dituzten atxikipenei dagozkien diru-kopuruak barne direlarik; hortaz, hileru mila seiehun eta hirurogeita hamar (1.670) euro gordin ordainduko dira, bekadunak XI.e) puntuan aipatutako txostena aurkeztu eta gero.

3.– Diru-zuzkidura horrez gain, HABEren kontura izango dira bekadun bakoitzak bere prestakuntzarekin lotutako ikastaro eta kongresuetako izen-emateak, gehienez ere bekadun bakoitzeko 2.000 eurotako mugarekin, betiere, gastu horiek egin aurretik, HABEren zuzendaritzak ontzat ematen baditu, eta ondoren bekadunak frogagiriz zurriz baditu.

4.– Beka hau jasotzen bada ezin izango da beste erakunderen baten laguntzarik jaso; soilik jaso ahal izango dira, salbuespen moduan, kontu pertsonalei lotutakoak. Era berean, bateraezina da onuradunak bere edo besteren baten kontura egindako ordaindutako lanekin.

5.– Beka eman eta gozatzeak, prestakuntzako helburuaz egiten denez, ez du inolako kontratu edo estatutupeko harremanik sortzen HABErekin, ez eta Euskal Autonomia Erkidegoko Administrazioarekin ere.

6.– Euskal Autonomia Erkidegoko Administrazioak erantzukizun zibileko eta istripuetarako poliza bat harpidetuko du, bekadunen alde.

7.– HABEk bekari etekin egokia atera diotela frogatzen duten bekadunei horren lekuko ziurtagiria luzatuko die.

VI.– ESKARIAK

1.– Eskariak aurkezteko epea hilabetekoa izango da, deialdi honen ebazpena Euskal Herriko Agintaritzaren Aldizkarian argitaratu eta hurrengo egunetik zenbatzen hasita.

2.– Eskariak ebazpen honetako II. eranskinean jaso den ereduari lotuko zaizkio, eta honako dokumentuekin batera aurkeztuko dira, Nortasun Agiri Nazionala barne delarik ez bazaio deialdi hau egin duen Administrazioari baimena eman berak bere kabuz agiri hori edota beste Administrazioetan aurkeztutako agiriak eskuratzeko:

a) Nortasun Agiri Nazionala edo pasaporteak.

b) Titulua eta Ziurtagiri Akademiko Pertsonala, ikasgai guztien kalifikazioak eta deialdiak zehaztuz.

c) Curriculum vitaeak, hauxe zehaztuta:

– Helduen euskalduntzearen alorrean jasotako edo emandako ikastaroak.

- Helduen euskalduntzearen metodologiagintza alorreko argitalpenak.
- Lan- zein lanbide-eskarmentua.
- Hizkuntzak, zein ziurtagiri edo titulu eskuratu den adierazita.
- Bekaren xedearekin estuki lotuta dagoen bestelako edozein merezimendu.

d) Curriculum vitaean aipatutako merezimenduen frogagiriak.

e) Ardurapeko aitortpena, egiaztatzeko batetik, izenpetzaileak ez duela administrazio-zehapen edo zehapen penalik sexu-bereizkeria egiteagatik; eta bestetik, Emakumeen eta Gizonen Berdintasunerako otsailaren 18ko 4/2005 Legearen itzalpean ez zaiola debekurik ezarri zehapenak irauten duen aldian ebazpen honetan araututako beka eskatzeko (III. eranskina).

f) Ardurapeko aitortpena, egiaztatzeko izenpetzaileak ez duela diru-laguntzak edo laguntza publikoak jasotzea eragozten dien administrazio-zehapen edo zehapen penalik, ez eta laguntzak jasotzeko gaitasuna kentzen dien lege-debekurik ere (III. eranskina).

g) Ardurapeko aitortpena, ziurtatzeko ez duela eskatu edo ez duela jaso ebazpen honetan araututako bekaren helburu bera duen diru-laguntza, laguntza, beka, diru-sarrera edo baliabiderik, beste administrazio publiko edo erakunde publiko nahiz pribatu batzuegandik (III. eranskina).

3.– a), b) eta d) apartatuetan adierazitako dokumentuak fotokopia balioetsiaren bidez aurkeztuko dira.

4.– Eskariak HABEren zuzendari nagusiari zuzenduko zaizkio (Vitoria-Gasteiz kalea 3, 20018 Donostia), edo Euskal Autonomia Erkidegoko Administrazio Orokorraren eta bere erakunde autonomiadunen erregistroen sorrera, antolaketa eta funtzionamenduari buruzko apirilaren 29ko 72/2008 Dekretuan, eta Administrazio Publikoen Administrazio Prozedura Erkidearen urriaren 1eko 39/2015 Legearen 16. artikuluan aurreikusitako edozein erregistro edo bulegotan aurkeztuta.

Dokumentazioa HABEren Donostiako egoitzakoa ez den beste erregistro batean aurkeztuz gero, eskatzaileak HABEri jakinarazi beharko dio, posta elektronikoz info@habe.eus helbidera mezua bidalita. Eskabidea noiz eta zer bitartekoren bidez aurkeztu duen adierazi beharko du. Hala ere, mezu honek ez du egindako eskaera ordeztuko eskaera hori ez bada HABEren Erregistrora iristen.

5.– Bekarako eskabideak behar bezala betetzen ez badira edo eskatutako agiriren bat falta badute, HABEk antzemandako hutsa zuzentzeko edo falta den agiria aurkezteko eskatuko dio eskatzaileari, Administrazio Publikoen Administrazio Prozedura Erkidearen urriaren 1eko 39/2015 Legearen 68.1 eta 21.1 artikuluetan ezarritakoari jarraituz, eta horretarako 10 eguneko epea emango dio, eskatutakoa egin ezean, aurretiko ebazpenaren bitartez, eskaera ezetsiko zaiola ohartaraziz.

VII.– ORGANO KUDEATZAILEA

1.– HABEko Hizkuntzaren Didaktika zerbitzuak burutuko ditu, Prestakuntza Atalaren bitartez, beken esleipenak eta bekadunen tutoretzak eskatzen dituzten kudeaketa-lanak.

2.– HABEko Prestakuntza Atala arduratuko da, bekon jagole gisa, bekadunen tutoretza-lanez.

VIII.– HAUTAGAIEN HAUTAKETA

1.– Merezimenduak baloratzeko Hautapen Batzordea osatuko da honako kideekin:

Mahaiburua:

– HABEko Hizkuntzaren Didaktika-zerbitziburua: Joxe Joan González de Txabarri Miranda.

Mahaikideak:

– HABEko Prestakuntza Atalaren arduraduna: Josu Perales Ugarte.

– HABEko Materialgintza Atalaren arduraduna: Eskarne Lopetegi Zalakain.

– HABEko Ebaluazio Atalaren arduraduna: Alex Mungia Idarreta, epaimahaiko idazkari.

2.– Hautapen Epaimahaiak erabaki guztiak gehiengoz hartuko ditu.

3.– Bekadunen hautapena, ondoren zehaztutako balorazio-irizpideak kontuan hartuta gauzatuko da:

a) Eskatzailearen espediente akademikoa; pedagogia, hizkuntzalaritza, filologia eta soziologia alorretako ikasketak lehenetsiz. Gehienez 15 puntu.

b) Graduondoko ikastaroak eta beste merezimenduak helduen euskalduntzearen alorreko metodologiagintzaren ikerketan. Gehienez 5 puntu.

c) Hizkuntzaren irakastea online erabiltzeko ezagutza: gehienez 2 puntu.

d) Euskararen ezagutza. Gehienez 5 puntu, honelaxe baloratuko direnak:

C2 ALTE = 4. H.E.-IVAP; C2 maila HABE = 5 puntu

e) Ingeles maila. Gehienez 3 puntu, honelaxe baloratuko direnak:

C1 ALTE; Hizkuntza Ofizialetako C1 mailako agiriak; Advanced; BEC3; BULATS3; ESOLI0-11; TRINITY 10-11; TOEFLen 600 puntu baino gehiago ohiko azterketetan = 3 puntu.

B2 ALTE; Hizkuntza Eskola Ofizialetako B2 mailako agiriak; FIRST; BEC2; BULATS3; ESOL 7-9; TRINITY 7-8-9; TOEFLen 310 puntu baino gehiago ohiko azterketetan = 1,5 puntu.

B1 ALTE; Hizkuntza Eskola Ofizialetako B1 mailako agiriak; PET; BECI; BULATS2; ESOL 5-6; TRINITY 5,6 = puntu 1.

f) Frantses edota aleman maila. Gehienez puntu 1, honelaxe baloratuko dena:

C1 ALTE. Hizkuntza Eskola Ofizialetako C1 mailako agiriak = puntu 1

4.– Hautapen Batzordeak beken esleipen-proposamena egingo du, eta balizko ukapen edo bestelako gorabeherarik izatekotan, beka eman dakizkien eskubidea izango duten ordezkariak ere proposatuko ditu dagokien hurrenkeran.

Era berean, Batzordeak baztertu eskaerak eta baztertzeko arrazoiak ere azalduko ditu bere proposamenean, edo horrela estimatuz gero, bekaren bat edo guztiak esleitu gabe uzteko proposamena.

IX.– BEKEN ESLEIPENA

HABEren zuzendari nagusiak, Hautapen Batzordearen proposamena ikusita, eskariak aurkezteko epea amaitzen denetik lau hilabeteko epean erabakiko du bekak nori eman, Euskal Herriko Agintaritzaren Aldizkarian argitaratuko den ebazpenean. Ebazpen horren aurka, nahi izanez gero, gora jotzeko errekurtsoa jarri ahal izango dute interesdunek Kultura eta Hizkuntza Politika sailburuaren aurrean, argitaratzen den egunaren biharamunetik hasi eta hilabeteko epean.

Dena den, ez dira bekak aitortuko kreditu egokia edo nahikoa dagoela egiaztatu arte.

Ordeztu beharra izanez gero, ordezpena gertatzen denean bekadunari beka amaitzeko geratzen zaion tarterako eskubidea aitortuko zaio bekadun berriari, betiere gelditzen den epea hiru hilabetekoa edo luzeagoa bada.

Deialdia hutsik gera liteke, inor aurkeztu ez delako edo hautagai bat bera ere ez delako eskatutako mailara iritsi.

Bekak esleitzeko epean dagokion ebazpenik argitaratzen ez bada, eskatzaileek ezetsizat jo beharko dituzte beka-eskabideak, Administrazio Publikoen Administrazio Prozedura Erkidearen urriaren 1eko 39/2015 Legearen 25.1 artikuluan ezarritako ondorioetarako.

X.– BEKEN ONARPENA

Bekaren onarpena idatziz jakinarazi beharko diote HABEren zuzendari nagusiari esleipendunek, bost egun balioduneko epearen barnean, esleipen-ebazpena Euskal Herriko Agintaritzaren Aldizkarian argitaratu eta hurrengo egunetik zenbatzen hasita, aldi berean, ondoren zehaztutako erantzukizunpeko adierazpenak eginez:

- Beka emateak dakartzan betebeharrak betetzeko konpromisoa hartzen duela.
- Deialdi honetan finkatutako arauak onartzen dituela.
- Ez duela jaso beka honekin bateraezina den beste erakunde batek emandako laguntzarik.
- Ez duela bere edo besteren baten kontura ordaindutako lanik egiten.

XI.– ONURADUNEN BETEBEHARRAK

Bekadunaren betebeharrak honako hauek dira:

- a) Beka eman den helbururako erabiltzea.
- b) Bekari dagokion jarduera bost egun balioduneko epean hasi beharko du garatzen, esleipen egunetik kontaktzen hasita.
- c) Prestakuntza eta ikerketa proiektuaren etapa desberdinak ondo aprobetxatuta bete beharko ditu, HABEko Prestakuntza Atalak emandako jarraibideak betez.
- d) Erabiliko diren datu asko pertsonalak izango direnez, HABEren egoitza barruan bakarrik erabili ahal izango dituzte bekadunek eta ezingo dituzte kanpora atera edozein delarik erabilitako euskarria edo baliabidea. Hori dela eta, bekadunek HABEren egoitzan egin beharko dituzte ikerketa-lanak.

e) Hilabete bakoitza amaitzean eta hurrengo hamar egunak igaro aurretik, eta proiektua amaitzean ere, bekadunek egindako lanaren eta lortutako emaitzen txostena bidaliko diote HABEren zuzendari nagusiari; emaitzok Prestakuntza Ataleko buruaren adostasuna edo oniritzia izan beharko dute. Era berean, proiektua amaitzean, bekadunak egindako proiektuaren kopia aurkeztu beharko du emandako diru-laguntza zurtzearen ondorioetarako bakarrik. Kopia hori entregatzeak ez darama berekin ustiapen-eskubideen lagapena.

f) Bekaren bitartez egingo duen lanei buruzko argitalpenetan edo inolako publizitatean, HABEren kolaborazioa adierazi beharko du, erakundearen identitate-marka barne.

g) Beste edozein administrazio, erakunde publiko edo pribatuk helburu bererako emandako diru-laguntzak, laguntzak, bekak, dirua edo baliabideak eskuratuz gero, horren berri ematea HABEren zuzendari nagusiari.

h) Beka ematerakoan kontuan izan zen dena delako egoera objektibo edo subjektiboa aldatu egin baldin bada, horren berri ematea HABEren zuzendari nagusiari.

i) HABEK, tutoretza, kudeaketa eta kontrol-jardueretarako egingo dituen egiaztapenen menpe egotea, eta Kontrol Ekonomikoko Bulegoak eta Herri Kontuen Euskal Epaitegiak eskatzen dien informazio guztia ematea, diru-laguntzen xedea fiskalizatzeko beren zereginetan ari direnean.

XII.– BALDINTZEN ALDAKETA

Bekak emateko kontuan izandako edozein baldintza aldatu egiten bada, diru-laguntza ematea ekarri duen erabakia aldatu egin ahal izango da, betiere onuradun izateko oinarri hauek ezartzen dituzten gutxienekoak betetzen baldin badira.

XIII.– EZ BETETZEAK, KOBRAZTEKO ESKUBIDEA GALTZEA ETA BEKA ITZULTZEA

1.– Esleipendunen batek deialdi honetan ezarritako betebeharrak urratzen baldin baditu, HABEren zuzendari nagusiak, espedienteko interesdunari entzunaldi-izapidea eskaini ondoren, emandako beka kobratzeko eskubidea galdu dela aitortuko du, edo, hala badagokio, jasotako zenbatekoak itzuli behar direla eta aplikagarriak diren interesak eskatu behar direla adieraziko du, Euskadiko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 53. artikuluan ezarritakoaren arabera, Diru-laguntzei buruzko azaroaren 17ko 38/2003 Lege Orokorraren 37. artikuluan eta Diru-laguntzei buruzko azaroaren 17ko 38/2003 Lege Orokorraren erregelamendua onartzen duen 887/2006 Errege Dekretuaren 91., 92. eta 93. artikuluetan ezarritakoari jarraituz.

Arau orokor gisa, jasotako zenbateko osoa itzuli beharko da. Hala ere, kasuan kasuko egoeren arabera, jasotako zenbatekoen zati bat itzultzeko erabaki ahal izango du, bitartean izandako aprobetxamenduaren arabera eta uko egiteko arrazoiei erreparatuta.

2.– Izapidetutako espedientearen zioz jasotako zenbatekoak itzuli behar direla ondorioztatzen bada, eta, hala badagokio, baita zenbateko horri dagozkion atzerapen interesak ere, ebazpen bat emango da, itzulketa hori egiteko beharrezko informazioa jasoko duena. Dirua bi hilabeteko epean itzuli beharko da, itzuli beharra adierazten duen jakinarazpena egiten denetik zenbatzen hasita, eta, betiere, kontuan hartu beharko da abenduaren 17ko 698/1991 Dekretuaren bigarren tituluaren ezarritakoa. Dekretu horrek, hain zuzen, Euskal Autonomia Erkidegoaren Aurrekontu Orokorren pentzudan ematen diren diru-laguntzen bermeei eta horiek itzultzeari buruzko erregimen orokorra arautzen du eta horien kudeaketan parte hartzen duten Erakunde Laguntzaileek bete beharreko baldintzak, erregimena eta eginbeharrak ezartzen ditu.

3.– Borondatezko aldian itzulketarik egiten ez bada, Ogasun eta Ekonomia Sailari jakinaraziko zaio, premiamendu-bideari ekin ahal izateko, indarrean dauden xedapenak ezarritakoaren arabera.

XIV.– BEKARI UKO EGITEA

Esleipendunak bekari uko egiten badio, idatziz jakinarazi beharko dio HABEren zuzendari nagusiari eta aprobetxatu ez den bekaren zatirako V. oinarrian aurreikusten diren eskubide ekonomikoak galduko ditu. Uko egitea beste izapiderik gabe onartuko da. Halakoetan, HABEren zuzendariak ebatziko du Hizkuntzaren Didaktika zerbitzu-arduradunaren proposamena ikusita, ea beka ordezkoen zerrendan hurrengo puntuazioa duten pertsonen esleitu behar zaien.

XV.– DATU PERTSONALEN TRATAMENDUA

1.– Deialdi honetan parte hartzen dutenen datu pertsonalak HABEren “Bekadunak” izeneko fitxategi automatizatu batean sartuko dira, datuen tratamendua egiteko, Datu Pertsonalak Babesteari buruzko 15/1999 Lege Organikoan xedatutakoaren arabera.

2.– Fitxategi hori HABEk sustatzen dituen beka kudeatzeko baina ez da erabiliko.

3.– Interesdunek eskubidea dute datuak ikusteko, zuzentzeko, ezerezteko eta aurka egiteko, legearen arabera. Eskubide horiez baliatzeko, idazki bat bidali beharko diote fitxategiaren arduradunari, hau da, HABEren zuzendari nagusiari, helbide honetara: Vitoria-Gasteiz kalea 3, 2018 Donostia.

2017ko abenduaren 28a, osteguna

II. ERANSKINA / ANEXO II

BEKETARAKO ESKAERA / SOLICITUD DE BECAS

Izen-abizenak / <i>Nombre y apellidos:</i>	
NAN / <i>DNI:</i>	
Especializazio-gunea / <i>Ámbito de especialización al que opta</i> (Gurutze bat egin dagokion tokian / <i>Señale con una cruz lo que corresponda</i>)	
	Curriculumgintzan aditu gisa prestakuntza osagarria lortzea / <i>La especialización complementaria en programación curricular</i>
	Ebaluazio zein akreditaziogintzan aditu gisa prestakuntza osagarria lortzea / <i>La especialización complementaria en procesos de evaluación y acreditación</i>
Helbidea / <i>Domicilio:</i>	
Telefona / <i>Teléfono:</i>	
Ikasketa-titulua / <i>Título académico</i>	
Graduondoko ikastaroak / <i>Cursos de postgrado</i>	
Bestelako merezimenduak helduen euskalduntzearen alorreko metodologiagintzaren ikerketan / <i>Otros méritos relativos a la investigación en metodología relativa al ámbito de la enseñanza de euskera a personas adultas</i>	
Egiatzaturiko euskara-maila / <i>Nivel acreditado de euskera</i>	
Egiatzaturiko ingeles-maila / <i>Nivel acreditado de inglés</i>	
Egiatzaturiko frantses-maila / <i>Nivel acreditado de francés</i>	
Egiatzaturiko aleman-maila / <i>Nivel acreditado de alemán</i>	

2017ko abenduaren 28a, osteguna

Administrazioari ez diot baimenik ematen bere kabuz beste administrazio batzuk emanak diren agiriak eskuratzeko, ez eta beste administrazioetan aurkeztutakoak ere / *No autorizo a la Administración convocante a que recabe de oficio ninguna documentación emanada de o entregada en cualquier otra*

Aurkezten ditudan agiriak / *Documentación que acompaño:*
(Gurutze bat egin dagokion tokian / *Señale con una cruz lo que corresponda*)

	Bai, eskaerari erasten diot
NANaren fotokopia / <i>Fotocopia del DNI</i>	
Ikasketa-titulua / <i>Título académico</i>	
Ikasketen ziurtagiri zehatza (emaitzak eta horiek lortu ziren deialdiak) / <i>Certificación académica detallada (calificaciones y convocatorias en que se obtuvieron)</i>	
Curriculum vitae	
Laneko esperientzia egiaztatzen duten agiriak / <i>Justificantes de experiencia profesional</i>	
Ikerlanetarako esperientzia eta argitalpenak egiaztatzen dituzten agiriak / <i>Justificantes de experiencia investigadora y publicaciones</i>	
Prestakuntza ekintzetan parte hartu izanaren egiaztapenak / <i>Justificantes de participación en actividades formativas</i>	
Euskara ezagupenaren egiaztapenak / <i>Justificantes del conocimiento de euskera</i>	
Ingelesa ezagupenaren egiaztapenak / <i>Justificantes del conocimiento de inglés</i>	
Frantsesa ezagupenaren egiaztapenak / <i>Justificantes del conocimiento de francés</i>	
Alemana ezagupenaren egiaztapenak / <i>Justificantes del conocimiento de alemán</i>	

HABEREN ZUZENDARI NAGUSIA / *DIRECTOR GENERAL DE HABE*

III. ERANSKINA

Eskaera izenpetzen duenak bere ardurapean adierazten du:

1.– Ez duela administrazio-zehapenik nahiz zehapen penalik sexuaren ziozko bereizkeria egiteagatik, eta, horretaz gain, Emakumeen eta Gizonen berdintasunari buruzko otsailaren 18ko 4/2005 Legearen itzalpean ez zaiola debekurik jarri zehapenak irauten duen aldiaren ebazpen honetan araututako diru-laguntza eta laguntzak eskatzeko.

2.– EZ / BAI (*ez dagokiona ezabatu*), itzulketa-edo zehapen-prozeduraren baten barruan dagoela, Euskal Autonomia Erkidegoko Administrazio Orokorrak eta horren organo autonomoek emandako izaera bereko laguntzen edo diru-laguntzei dagokienez, artean prozedura izapidetzen ari dela.

3.– Ez duela diru-laguntza edo laguntza publikoak jasotzea eragozten dion zehapenik, ez eta laguntzak jasotzeko gaitasuna kentzen dion lege-debekurik ere.

4.– Ez duela eskatu edo ez duela jaso ebazpen honetan araututako bekaren helburu bera duen diru-laguntza, laguntza, diru-sarrera edo baliabiderik, beste administrazio publiko edo erakunde publiko nahiz pribatu batzuetatik.

5.– Ez dela ari inolako lan ordaindurik egiten, ez bere kontura, ez beste inoren kontura.

6.– Ez dagoela Diru-laguntzei buruzko azaroaren 17ko 38/2003 Lege Orokorraren 13.2 artikuluan zerrendaturiko egoeraren batean, hain zuzen ere, diru-laguntzak eskuratzea oztopatzen duen egoeraren batean.

.....(e)n, 20.....(e)koren(e)an.

Izpta.: